



謹齋詩稿

淮海 許志進

乙未年

送程永北之任

征軺五馬建雙旌
花柳春風六詔行
天到滇黔南紀盡
山連邏些北流清
磨崖雨蝕唐碑字
戰鼓聲銷漢相營
績奏循良年最少
知君徼外播芳名

題楊先生遺照

彷彿清姿見典型
步趨曾是奉遺經
山頽木壞聞歌後
不忍稱詩向鯉庭

和梅隱菴韻二首

萬樹寒梅暗野塘三分明月可亭方扁舟舊雨來孤館
長日春風吹妙香鐵骨冰姿標冷韻酒杯詩律鬪清狂
興來欲理看花約期與元龍上下牀
歸雁吳天附末行梅關羨爾一相徉禪牀夜火從分芋
籬菊霜螯憶舉觴蒙叟卮言多寄託鍾生詩品費評量
臨風更詠孤山句冷蘂疎枝領暗香

仍園賞梅用人字韻二首

重見梅開又一春名園文酒日娛賓豪絲哀竹調鶯舌
活玉生香映璧人閣外似當殘雪夜風前疑近散花身

明燈爛爛休辭醉亂點飛英上綺茵
常年酒伴共嬉春人與梅花互主賓索笑幾番禁酒病
題詩多半泥春人燒燈艷簇當樓影送酒香凝傍檻身
醉殢鶉伶歌麗曲宵分留客有花茵

懷東塘戶部即用元韻兼東在園觀察

遠遊怊悵不謀身河畔停橈一浹旬杜老偶然充幕客
申公何日賜蒲輪談詩入座皆名士度曲娛賓是玉人
尊酒論文三徑在主持風雅更誰真

題楊先生照

先生吐氣凌長虹讀書講學江淮東經明行修擬節孝

領袖清流稱有道澤宮選士獻 天子掉頭不肯紆青
紫一樽濁酒一枰棋華巔幾輩同襟期丘園樂志忘衰
遲吁嗟先生真吾師

林家海棠歌

海棠一株花蒙茸千朵萬朵矜春工赤瑛火齊明錦樹
杜鵑木綿空燒去空誰其植者于思翁愛花入骨稱花
農金尊夜月醉春酒美人粉面如花紅世事變幻花隨
風高樓燕子傷孤踪舊巢顛覆衆雛小花開寂寂當房
櫳連枝折贈有公子珊瑚七尺紛玲瓏古瓶注水養活
玉移牀對案明雙瞳楊舍人家花劣小慈仁寺種空肥

穠玉真軒前見兩樹花光照眼渾相同何人攀折逞敏
手條枚憔悴嗟飛蓬上林雨露滋草木十年悵望春花
叢絕世佳人空谷裏歲華遲暮天夢夢敬為公子歌角
弓中庭嘉樹好封殖異種倘獻蓬萊宮

夢思菴太僕以高麗紙寫蘭亭序屬予貽震一學
使醒而異之思菴以癸巳典楚試歿已三年而
震一方自豫歸杭州曉起作此弔思菴兼懷震
一馬

舊會蘭亭委逝波金門游好已無多楚天春水吳江路
夢裏分明說永和

藥裹侵尋伏枕餘暮春天氣迴愁予越江楚澤人如夢
那趁春潮寄鯉魚

楊舍人招看海棠不赴奉東二首

曾把春卮詠短章名花病客略相妨不知今日鮎堂會
倚醉何人賦豔妝

十分嬌處詩難肖纔欲開時最可憐記得大椿樓上客
年年同為海棠顛

感興東友二首

熱不憩惡木渴不飲盜泉志士遠嫌疑君子防未然樂
羊多誦書曾母惕人言積毀有銷骨禮義曾不愆

梟鸞不共翔狙麟不同游君子慎所與獨行常寡儔勝
辨以無言止誦惟自修振衣千仞岡俯仰空悠悠

藤花

百尺蒼藤花滿枝龍蛇蟠攫勢躩踞天衣雜寶垂瓔珞
步障流蘇綴紫絲香泛酒卮春欲老露零苔徑曉猶滋
挹清軒檻移根古回首春明十載時

京邸古藤一
株花開最盛

酬晚耘看花不赴用來韻

風懷懶漫怕傷春縱飲酣歌謝衆賓三徑草生行藥地
兩章詩壓看花人妖韶占盡人間色豪興空饒病後身
最憶常年呼伴酒子雲亭外坐苔茵

退翁程丈爲圃東臯種牡丹芍藥數百畦雜以衆
芳花時如列錦繡值茲首夏牡丹盛開翁已謝
世逾年矣嗣君御李上舍送花賦答四首

名園特爲牡丹開每到花時共舉杯今日種花人不見
一天風雨送花來

重見花開又此年病餘辜負賞花天劉伶臺畔尋春路
說著花翁一愴然

宋孫惟信隱居湖上
種花盈圃自號花翁

一庭雲錦爛芳春萬朶名花坐繞身知我息機能抱甕
相邀同作灌園人

翁闢園北十畝分
種名花邀余結屋

獨對妖韶泫露姿泚毫還賦賞花詩願君封殖同嘉樹

歲歲分將八九枝

滄洲供奉揭瘞鶴銘斷石作亭覆之爲賦此詩

記訪焦先寺蒼茫島嶼青山崩餘塊石水落探遺銘化
鶴留仙蹟高人共杳冥風潮乘逸興爲汝上孤亭

醒菴蒙 赦入都和友人韻奉東二首

解網新綸沛 帝宸楚天寒谷一時春魚飛海運風生
翼龍躍江津劔有神身外已知同塞馬局中誰復算瀛
塵何人擬作綈袍贈張祿單車且入秦

往事空煩詫俊臣頽波江海共漂淪一炊易醒驚魂後
三省重頒寵命新孔氏覆巢真笑我朱家廣柳豈因人

平生意氣相推許此際詩成倍愴神

訓費也田

閉門餘一月寂寞最相思欲和看花韻其如尚病時貧
交識君晚詩說是吾師已訂石門老荒齋共酒卮

初夏十日岸堂孔農部造訪招同也田諸子讌集

分得榆字

懶漫心情笑病夫清和觴筯集名儒言詩優入唐人室

問禮同為孔氏徒

也田以唐詩說見商岸堂談文廟禮器甚悉

舊雨喜成櫻筍會新

亭勝攬石門圖

岸堂表章石門山勝蹟劉觀察為構秋水亭杜詩石門斜日到林丘即其地也亭取秋水清無底句意令子繪圖一卷

卧遊此日希宗炳醉向尼山訪柏榆

柏榆村在尼山下岸堂別業在焉

訓履上人

曾把元言叩趙州箭鋒機括略相投如何出世圓通法
也塵空山瓶鉢憂香界定迴花作雨石牀詩就月當樓
閉關枯坐忘言處玉版森森嫩綠抽

錦臣舍人遠寄鄭宅茶斐然感興仍用慈仁寺試

茶韻寄懷

故人京洛尺書來夾漈茶新手自開一串遠叨張鑑贈
六班重舉樂天杯清風靜挹瓊漿味佳詠長思玉局才
禪榻鬢絲多病客歸來久已壯心灰

鉢山夜過品鄭茶

乙未年稿

為愛詩人踏月來密雲龍餅為君開海天異種留皇樹
穀雨新香泛玉杯病客莫應防水厄鉢山偶病茶星端恐照
仙才夜深談健真忘倦樺燭烟銷幾寸灰

觀沈石田水樂澗圖戲題長句柬楊舍人

昔我縱游水樂澗英咸雲壑留元音夢裏洋洋尚盈耳
入山辜負初年心今年四月病初起故人招我吳江潯
扁舟落手擬一往舊游水石重追尋朝來湖山忽到眼
石門松徑苔痕侵奔濤屈曲瀉厓谷八音律呂宣瑤林
眼明耳熱興不淺摳衣徑踏烟雲岑題名訝見石田老
驚看墨瀋光瓊琳北風圖寒炎漢熱蒼山鬱嶂淵深沈

始歎良工侔造化對之轉復懷登臨澗邊老屋人何許

毋乃平生向與禽

向借田居畝農同遊水樂

採芝夜傷水涯宿聽泉日

對蒼崖吟畫中湖上兩凝想臥遊堂上風吹襟楊君好
事餉佳釀鮓魚櫻筍珍兼金吟詩看畫浮大白與君共
醉松濤陰

月食感興

是年三月塞上大雪深丈餘東自大寧西抵榆林數千里馬駝牛羊皆凍死蒙古乏食者六十餘萬天子下詔賑恤焉

皇帝五十四年春塞上寒凝一丈雪蒙古凍僵馬駝死
數千里外人烟絕四月朔日有食之越十五日逢月食
天子下詔軫災異天變民生屢憂惻草莽憂蟣虱
臣恭讀綸言三歎息側聞災異不虛生洪範庶徵通五

行卿士師尹惟日月兩風寒燠來休徵堯湯水旱有罪
已災祲何嘗損聖明愷悌君子神所相挽回天意語非
妄三語乃退熒惑舍一言竟偕時日喪春秋日食三十
六漢代京師雪盈丈告譴枉用勞推測補救焉能 愚
慙化成久道猗我 皇敬天勤政儕虞唐授時但用西
洋曆日月交蝕維其常雨暘時日歲有考古來占候殊
茫茫去年立夏風動坎魚行人路終憂旱十月之望月
食既紫微無光衆星黥了知乾象關人事轉恐璣衡費
排纂前漢十帝二百年史書日食五十三古疎今密天
難問誕謾還嗤鄒衍談

送閩中壬午諸子下第南還五首

科第厄腐儒劇於上青天往返餘萬里意興何蕭然停
鞭一過我詩酒相留連伸屈各有時文章誰復言

蘇季西遊秦踉蹌失意歸金盡裘亦敝妻嫂不具炊那
無二頃田妄希富貴為揣摩良苦心何如飽蕨薇

志士念勲名兀兀顛盈雪雞肋味寧多慰眼心內熱豈
知虛名悞幾輩成羈紲旅食困飢驅徒步隨車轍

皆留京讀書不得輟歸貧不日
給雖選入翰林亦多徒步也

新例成
進士者

疲馬拂征塵南下半江水輕舟挂蒲帆故國三千里山
花迎客笑江鳥驚人起扣舷歌遠遊歸哉故可喜

三日喜君到命酌連宵分雄談各未已忽復愴離羣十年幾去來此意殊難云浮雲江上山極目空氣氤

醒菴得 旨免入都再和二首

殊恩再造荷 嚴宸日月依然故國春不死張儀仍視舌全生于寶合搜神壯心丙夜看鳴劍往事丁年付劫塵誰料五羊皮自鬻廢屨歌罷不之秦

免趁春風作雁臣 恩波深處海滄淪十年變態醒塵夢萬事更端象鼎新此日啼烏歌夜月異時衣繡羨鄉人遙知赦後拈詩筆轉憶空傷聽雨神

二士寄懷徐殿元端揆顧文學嗣宗兼寄匠門太

史

吳閻得二士乃在十載前其時匠門君讌我孝廉船

匠門

書舍名

初見嗣宗詩風致殊翩翩謂是華國才蜚聲躋木天

既讀端揆文金石相節宣謂是廟堂器刷羽看騰騫二子貧相似亦復名相肩端揆登賢書於今凡七年南宮遂高捷對策領羣賢縱橫三千牘雲日輝台躔堂堂第 一人金殿聽傳宣布衣韋帶士策名霄漢邊珥筆上彤墀夜燭然金蓮故人千里外狂喜忘睡眠轉憶嗣宗才 蠖屈仍一屨前年下第歸疲馬愁征鞭老屋閉柴門黔突生午烟兩君伯仲間雲泥豈頓懸自疑相士誤得毋

時命偏匠門今宗工鑪冶精陶甄干將與莫耶飛躍當
後先顛倒弄英雄造化司微權兩姝不同嫁借問誰媿
妍又念端揆貧郎第應蕭然豐才不豐貨看囊無一錢
轉恐飢腸鳴徒羨天庖羶雅化方作人何以贍粥饘

題拜墓圖二首爲作

生子人言似范滂髡鉗黨錮一悲傷餘生再踏松楸路
觸鹿啼烏總斷腸

玉雪丰標廿載前天涯風木感流年懸知張儉還家淚
灑向青山和杜鵑

題嘯山柳港納涼卷二首

柳影荷香繪水村伊人科跣傷籬門數聲風笛漁汀晚
添我扁舟載綠樽

衛家洗馬定前身滴粉搓酥兩玉人水國清涼烟景異

星槎錯認飲牛津

卷中景
象如是

漫興二首

競說休明禮樂興談經都是鄭康成平津更啟孫弘閣
可要當年魯兩生

誰從舊譜按新聲玉磬金鑪響太清却笑天壇高道士
漫追古調續咸英

戲示從學諸子

理學詩人一網收真將駿馬按圖求葫蘆最怕添新樣
而輩書能讀幾周

書生

平開湯網宥孫恩蓮幕無人說戴盆多事書生籌遠略
却教滄海覓遊魂

為所知四首

一代名流世所師百寮瞻聽肅清儀即看玉帳籌軍日
只似綸巾抱膝時柏府政閒搜蠹簡橋門人集擁臯比
頽波江海橫流濶一柱天留壯地維

此日東南仗老成紛綸物議笑儒生峰高二室兼天峻
江轉三吳徹底清草偃風行君子德懷邦錫命丈人貞
蜉蝣撼樹雖多力日月光寧燭火爭

蜮舍沙飛巧射人丹誠炯炯格 楓宸天將悔吝成君
子帝以艱虞試老臣會有公言徵信史那無直道在斯
民重閭不遠通呼吸河內真應借寇恂

古瑟朱絃秘古音成連滄海費追尋恩讎有力皆知已
寵辱無驚見素心道在故應行我法風清可得損官箴
危疑未遽憂孤立 宵旰終思傅說霖

星

熒惑逆行凌翼軫 星晦暗已多時平生未解西洋學

天道幽元那得知

食筍戲作

嫩玉新抽未作竿
闕庭日日報平安
此君大嚼非難事
漫抵揚州鶴背看

戲贈痔醫

海內無良醫人間多痼疾
方藥劇兵刃誰爲按名律
瘍醫古所重周官隆世職
敏手擅天工神妙難測識
君金陵秀家學紹儒術
肘後秘奇書千試不一失
竭來淮海遊就者蜂蟻集
刀針與藥餌肆應無虛日
患痔三十年此日恰君值
欲將百中技奏效一七力
初聞心夷猶

疑慮戰胸臆豈有性命憂
乃使鋒刃逼爲患無幾何
一誤將何及詎謂挾根柢
只譬探囊物傳藥纔銖黍
去病捷吹呖而我初不知
療治旋已畢一身湊理間
百脉動呼吸聞彼養生家
針芒防氣出君胡乃游刃
觀者倏改色古有華專氏
異術載圖籍湔洗到腸胃
剗剔兼肌骨笑彼秦醫愚
二豎任逃匿郭翁陳四難
母乃心怵惕手捷有掇蝸
眼明如視蝨靈心運巧藝
官止神寧壹收功談笑間
無恙理可必業精忘貴賤
酬報聽豐嗇舐痔得車人
難與君儔匹

槎客惠斑竹帳

故人遠自覃懷歸饋我織成斑竹帳平波染就湘水痕
新花譜出河陽樣猗猗嫩綠細含風霧縠烟紗盡相讓
十里錦絲張較侈一丈蝦鬚製云舠冰凝蠶縷簇流蘇
冷逼鮫綃翻海浪琉璃之簾白石枕飽飯摩臍恣踈放
太行槃谷風景異對此居然干頃王美人贈我青琅玕
何物相將報珍貺我聞大河南北方苦旱赤日焦原氣
凋喪鳩鵠相望秦晉饑雲雷未解川塗亢玉門烽火照
甘泉甲帳宵衣問飛將恬吟高臥我何人竹牀睡起茶
烟颺

送東塘戶部歸石門山二首

夫子今充隱東歸逸興豪亭涵秋水淨老杜石門宴集詩秋水清無底蕭然淨客心戶部構秋水亭落成故云雲護石門高詩卷留天地功名付羽毛空山友麋鹿吾道在林臯

石門幽勝處曾向畫圖看六月君歸去蕭條澗壑寒張氏隱居詩澗道餘寒歷冰雪即此地也隱居歌伐木秋水弄漁竿他日當乘興尋師到杏壇

聞閻舍人訃奉挽二首

傳來凶聞使魂驚歎息斯人竟殞生我意獨憐因慙直
衆皆欲殺畏聰明十年蹭蹬功名路半世辛勤羈旅情
但使脂韋甘折節那無高爵上銘旌

夢夢天道擬云何揮涕聊為薤露歌祇以摧頽傷命劣
漫緣蹄弛患才多拏雲猛氣貧尤壯伏櫪雄心死不磨
誰與招魂歸故國百年賁恨葬丘阿

送也田入都兼懷令弟滋衡

品題風雅自吾師

謂漁洋先生

二陸才名日下知五字大江流

漢水一編家學說唐詩山程白雨催征騎帝里緇塵
點鬢絲令弟開樓續文選休明鼓吹應清時

滋衡選唐人應試五言六韻詩

題僧照二首

面目誰從認本原山僧枯坐更無人間只少維摩詰
與證文殊不二門

宴坐居然見法身眼前空寂不生塵僧家自有真龍象
頑石都為喻法人

盆荷二首

種得盆蓮日日看數苞初見出欄干不爭池沼花先放
耐此空庭五月寒

翠蓋亭亭影共清催花詩句晚來成西風忽送瀟瀟雨
只筭梁州羯鼓聲

和南村叅憲十七首

隱人家具一擔輕文笥便便細織成不用載書三十乘
先生腹笥探分明

竹行笥南村句云却笑載書三十乘出門大是費安排

烟波一舸載琴書安穩年年縱所如明月隨人風送客
不妨陶峴只舟居 安樂行窩

六一泥封太乙爐抽添子午費工夫行廚但買蒼筤竹
煮藥煎茶付小奴 竹行廚

旅館風船枕簟涼絳帷偃月月如霜就中一部華胥樂
烟水雲山總睡鄉 偃月帳

八荒在闥吾儒事六合為牀逆旅情曾向邯鄲賒一枕
遽然夢醒歎勞生 六合牀

異代相傳劉氏冠仲謙手製亦堅完芒鞋竹杖荷衣老
莫認山人是達官 籜冠

方竹鐫銘記二文 洞庭方竹杖文待詔為銘三橋手鐫 一條禪杖斫靈根葛陂

化去知何在却愛中郎似虎賁 竹杖南村云舊杖已失今別製一方竹名曰虎賁中郎杖

人與梅花作冷緣洞庭風雪走年年尋詩自是王摩詰
錯認襄陽孟浩然 浩然巾

沈硯何須似老包歸舟載石海天遙囊中長物能多少
一片閒雲冑碧霄 端石行硯硯名碧霄慶雲

挑燈閒賦讀書檠兀首窮經鬢已星他日披帷示孫子
烟煤應似范公青 燈檠

隨身一劍倚崆峒繞拍吹毛氣吐虹誰遣塵埃鬢星斗
長鳴夜雨動秋風 長劍

揮塵清言洽素心許詢風月記追尋松枝玉柄饒玄理
與證平生支道林

玉塵

盤龍繡澀蝕殘銘肝膽相看不隱形可惜一輪秋夜月
却隨兒女照晶熒

古鏡

接離倒著池邊客席帽斜遮馬上身借問范陽檀笠子
臨風何似蹋鴟巾

檀笠

風雪漫天歲宴多朝衣沽酒換漁簑寒江釣艇蘆花裏
天地嚴寒有太和

檀簑衣

八騶赤棒開交衢未抵逍遙下澤車消得門生兒子力
更須越國買籃輿

藤籃輿 出大越國南村句云最宜五柳先生坐兒子門生用力輕

才兼衆器腹如囊百輩容渠儘不妨但使壺中有餘地
先生也向此間藏

皮葫蘆

井田硯和南村

商周田制杳難詳阡陌開來鬪富強閒拂硯田看井字
而今此亦是荒莊

玉蘭酥和南村

牡丹落蕊牛酥炙煮鶴燒琴做大蘇偶向新詩徵食料
朶頤兼爲玉蘭酥

和人二首

最憶相逢十載前酒闌歌罷兩茫然山齋繡被焚香煖

一榻移燈照醉眠

袁叟金生兩不羈當年倚醉辨雄雌如今更唱相逢曲
腸斷伊人十五時

昔遊二首

仙人樓閣木蘭舟白下金閨憶昔遊醉我春風一千里
酒醒離恨是揚州

豔說還丹轉下田秦淮水榭詠遊仙塵緣未斷仙根淺
辜負藤牀抱膝眠

竹夫人二首和南村

玉骨冰肌品質清湘妃右族秉幽貞炎蒸此夜甘同夢

免被登徒好色名

來夢身如錦瑟長熱中人近頓清涼多情邢尹休相妒
不是柔鄉是睡鄉

相國輓詞三首

久道登良弼匡時失重臣倚毗惟一老密勿更誰親斗

極昏

象邊烽照鹵塵白頭宵旰意哀慟履絲綸

根本紆長計深心望老成引年師辟穀憂國起和羹榮
寵堪誰匹艱難亦飽更他年丞相表清史有榮名

請告仍虛席恩深老不辭哀榮逢聖主誅謚及明
時憶忝綸扉舊兼叨國士知何時雞酒奠揮涕寫哀詞

讀史感興三首

銷骨曾因積毀爲三人市虎古今疑
頽波江海橫流甚未許天留一柱支

底事休將羅織成皇天老眼見分明
埋輪抗疏饒風力寵辱當年已不驚

劫數相乘不自由纖兒常與正人仇
腹心養寇膏盲疾豈獨鯨鯢橫海陬

詠史二首

總有薰風不納涼重關兵甲鎖嚴霜
炎蒸六月應銷骨賜出冰漿未敢嘗

四郡燉煌舊蹟迷至今羌笛怨征西
玉關砂磧嫖姚路踏碎千羣戰馬蹄

簡南村乞釀酒方

北酒味高蓮葉露南王釀美太和春
就中麴蘖饒珍秘乞與舖糟一輩人

希夷句好入新譚五美清香滑辣甘
別有東坡真乙酒

肯將釀法教江南

南村飲中州希熬酒而甘之名之曰希夷先生

和南村答余乞釀法元韻二首

酒徒豔說是山陽嵇向閒閒醉幾場
閒裏光陰人易老醉中天地路偏長
但求家釀師光祿

南村初官光祿主良醞署

那羨黃

封啓 帝觴一勺洵村鄉味美九州歷徧未能忘二句南村語
研馨搗辣入新方第一先教麩蘖良潔以蓮峰香雪擬
清方金掌露華強預期釀熟留賓飲兼詡時需問婦藏
斟酌太和元氣在酒泉封處亦吾鄉

和湛真寺納涼韻

已分浮雲視是身閒來淨域絕無塵風幡自動心如水
色相相忘草似茵消暑無過初地好叅禪難得一僧真
就中不二知誰會雨洗清涼法界新

和僧廊浴罷韻

淨洗人間熱惱身應知無處住纖塵雲堂止水誰拋瓦

丈室飛花不著茵浣濯已從甘露冷道心合向淨名真
松風水月渾無價領會先生句子新

大雨

金隄雉堞不爭多拍岸西風激箭波捧土急須填蟻穴
夜來雷雨倒天河

晤佟刺史感舊即送之粵西

三年楚水再逢君白盡頭鬢面纈紋座有酒杯澆塊磊
心無富貴笑浮雲亡存凡楚誰能料得失雞蟲兩莫分

刺史為某所忌以事中傷去其位而某旋以事敗褫職人皆快之

醉倚匡牀話今昔西風颯颯

雨紛紛

人事驚魂懶問天，共君把酒意茫然。
孔融巢覆餘完卵，劉寵囊空少一錢。
閱盡世情堪學道，悟來因果當參禪。
扁舟觸熱蒼梧遠，色養瞻依令子賢。

贈段侍中即送歸覲兼寄楊元戎二首

時年二十四

雕弓猿臂捷穿楊，三試承恩入建章。
戶牖清標比冠玉，仲華弱歲早羸糧。
鄧禹羸糧而赴光武封鄴侯年二十四
銜歸綸綍趨南國，賜出宮壺向北堂。
八境臺前章貢水，照君衣繡有輝光。

清時儒將自翩翩，裘帶風流想昔賢。
壁壘幾時營細柳，功名須是畫凌烟。
嚴軍坐鎮看先輩，青眼逢君最少年。
此去大龍丹嶂遠，相思九十九峰前。

附錄見酬二詩

才名早歲重長楊，耿直人爭誦諫章。
身隱但將花作伴，庭閒惟許鶴分糧。
蒼生賈誼虛前席，絲竹彭宣宴後堂。
月旦品評如不負，公門桃李自輝光。

綸扉畫省憶聯翩，謔抒誠邁古賢丘。
壑閒情娛水石，江山麗藻發雲烟。
天邊丹詔期他日，花下清樽記此年。
別後相思定何處，贛灘秋月楚山前。

新秋一日招南村叅憲全菴侍中田叔司馬襄遠
舍人晚耘博士槎客叅軍醒菴孝廉暨家弟仲
掄樞臣集資敬堂賞荷分賦五言六韻得八庚

荷氣滿中庭香多暑氣輕花迎秋日麗葉捧露華明命
酒依涼樾題詩集衆英冷如仙掌吸狂任碧筒傾色映
紅兒醉裳紉楚客清因歌採蓮曲更想涉江行

時將渡江

讀竹夫人詩戲調南村

南村東云連夜蒸溥惟令青奴侍寢

專房何似紫清真嫁得王猷愛竹身莫道青奴宜侍寢

恐嗔婢妾作夫人

紫清錢夫人字

田叔餉松花粉戲答

昔者王逸人教我餌松葉屏居黃鶴山採摘恣嚼嚙元
津咽華池焦府不飢渴華陽有老仙還丹啟元笈頗得
長生理冀踐真靈業竭來人間游烟火厭烹熟休糧渾

未能養生乃大拙脈望非仙器蠹紙苟作活蒼然鬚鬢
改繁霜那堪鑷稽山于思翁玉顏金作骨夙生定天人
謫世鍊形魄餉我松花黃包裹盈一帖霏霏浮蝶翅燦
燦明金屑潔於玉杵霜冷似嫌山雪芳香可舐取細嫩
忍手捻作餌雜粉糝柔滑利喉舌我聞古仙人茹芝吸
雲液沆瀣當宵餐清虛化凝結松柏本仙藥脂苓秘巖
石不作山中人那辨長鏡掘食葉譬蝮蠶食花比蜂蝶
何年蘧蘧周化作飄飄列嵇康啖石髓應恐笑頑劣

題南村秋山倚杖圖五首

曾管羅浮四百峰看雲常住列仙宮江東風月無人領

正好秋山著此翁

兩洞庭寬烟水明扁舟筇竹往來輕十年范蠡携家路

相伴夷光過此生

時攜家住
六浮山莊

斷腸秋色恣閒游黃櫨丹楓繪虎丘病起相如厭車馬

青鞵竹杖儘風流

嘯傲雲山雪滿腮難消仙骨與仙才十洲五岳書相問

王屋何年歸去來

天上神仙有官府人間歲月礙清閒洞天雲壑堪娛老

我亦因君欲買山

資敬堂賞荷分韻

花下芻尊集素交清歌皓齒雜絃匏風搖綠竹含秋韻
香散紅蕖似遠郊舊雨人兼新雨集賞花詩對落花敲
諸賓麗藻呈新句老我才疎醉解嘲

題李再復太守山海壯遊圖 有序

歲在丙子再復 簡任承德余亦除授鐵嶺匹馬短衣相次出塞邊
風朔雪四易瓊裘庚辰先後入關屈指二十年矣再復三任滇守今
乃補授雲間千里相思未遑命駕公子質菴過我酒次出戴文開
所畫出塞圖索題撫今懷舊率成十截句寄之再復當有同慨也
舊遊金呂二君同在蓮
幕當為我屬而和之

珥筆翩翩政事堂常年視草在明光論才獨拜 陪京

尹畫繡雙旌向 帝鄉

山海東頭東復東千年 王業起神宮枌榆草木雞豚

社都在先生雨露中
弓刀小隊向 畱都大似東丹出獵圖
匹馬短衣看李廣
北平秋草射於菟
十三山外大凌河
松杏遺墟戰壘多
不用登高更懷古
太平 天子久包戈
懷縣安仁試種花
葛洪勾漏記移家
滇黔萬里江南路
頭白功名閱歲華

銀州我亦事鳴琴
雪窖冰天共素心
寄語九峰清白守
成連滄海一知音

舊遊不厭畫中看
海氣昏昏萬疊山
二十年來人事改

兒曹老大鬢毛斑

圖中繪諸公子有提抱者今疑然頭角丈夫矣

漢家郡守領三公
五馬軒車映畫熊
今日更誰揮彩筆

畫君擊楫大江東

塞北貂裘雪打圍
江南桂楫水沾衣
鱸魚味美莼絲滑
可抵黃顰錦雉肥

依人舊說戀鄉情
泖水吳峰一派清
老我題詩付公子
故人相見眼俱明

病起即事三首

攬鏡鬢添白
疋羸笑此夫
衛生思大藥
拊髀愧文儒
筋力通禽戲
山川入戰圖

時閱邸抄知有西征之役

支離秋色裏
強飯慰

形癯

海宇承平久跳梁事鼓鼙山崩籌餉道

延慶州事

水溢念災

黎江南諸省大雨水病客悲秋氣宵衣切噬臍長纓如可請夢繞

玉關西

戰書騰北闕將掠邊城駝馬編官號蛟龍有戰爭兵

戈侵肅殺餽餉劇書生往事看元昊狂歌曳石行

地下

秋草長眠地下身年年此日一傷神空堂病起無情思

冷雨蕭蕭最惱人

病起

病起都無俗慮來空齋未有好懷開蓮缸秋老餘紅萼
竹徑陰多滿綠苔欹枕晝閒縈夢蝶閉門心寂着寒灰
無端驚喪平生友是日驚聞祝三文學之訃轉歎搜林宥不材

少渠居士挽詞

仍用杭州舊韻二首

文章結習多生累狂病支離十載餘縛柳命奴空叱鬼
賃春偕婦竟無居憂有牘干相賣賦何人薦子虛

知剩遺編藏敝篋後來應識似相如

君有解春樊中諸集

去年五月山堂醉笑語渾如昨日譁每歎故交成宿草
真將世事認空花才人困死寧非運書種銷亡更莫誇

時蕭山毛大可雲川胡朏明先後物故雪水稽山同楚些諸君何處躡青霞

乙未年稿

大雨

天上羣龍翅衙衙語爪牙鱗甲爭軒舉祝融無權失駕
馭翻倒天河鬪秋雨河伯怒挾蛟魚飛龜山夜逃巫支
祈水府百怪走相逐鼃鼃腐爛愁鯤鯨孤城破屋亦何
有懸空白水聲淋漓病夫秋夜苦少睡雨中顛倒思天
意平生浪切人憂如今那更憂天且憂地

驅瘧七十韻戲用韓體

有不逞子作橫鄉人皆厭苦之以彼克頑方茲瘧鬼力疾命筆詩成而瘳非儼

昌黎送窮聊比寺人投北耳

昔聞壯士言寧死不病瘧正乃逼以邪強乃制以弱煎
洗劇水火膠擾困纏縛少也曾患之歲久忘烹灼頃有

病瘧者百狀遭攻掠欲逃乃無地束手乏謀略我謂瘧
邪鬼與人何厚薄無罪而侵凌厥辜中剗斫世無桓石
虔聞聲使逃蹠我欲禡其魄投畀遠毒蠹斯言本游戲
朋好資謹噓無端移祟我稍稍受股剥疲倦思睡眠寒
熱時間作戰則抱層冰燥則親鼎鑊或云是宜讓或云
此宜藥我謂彼黠鬼呼之與商確咄汝瘧鬼來何故乃
余薄薄字與前義別有說當汝原無說當汝斫瘧鬼前致詞先生
聽毋愕吾乃山澤精沴氣相染着於天乖五行於人迷
六鑿作橫苦閻閻竊食飽吞嚼君性原窘直我行甘落
魄君法與我法馬牛風自各而胡不相容乃欲圖剪削

我徒非一人毒螫比虺蝮我術非一端便捷如猱獾觸
我可之死逆我必與角我封擅五道廟祀儼城郭不見
上方山池酒兼林臞昔者韓昌黎為文薦杯勺少陵詩
見譏三載事根却若今詩話載杜詩止瘧一事而杜集
乃有三年仍瘧疾一鬼不消亡之句先生列薦
紳事鬼應嚴格今茲實侮我毋嗔我相虐叱汝瘧鬼愚
巧佞善謠詠汝鬼姑洗耳吾言利矛稍厭汝勝乾蟹警
汝謝竹爆乾坤有正氣萬古自磅礴與天行日月為地
通川岳聖賢明燮理陰陽無迂錯人為萬物靈身安氣
和樂汝鬼潛幽暗精魂游冥漠神奸鑄九鼎山林逃不
若歲宴命大儻薰桃曳茅索今者時氣乖火德失炎爨

汝曹敢橫行猖狂弄威約瘧不崇君子汝鬼茫無覺吾
將訴真宰與世蘇民瘼問汝何圯族朋比肆饒攫問汝
何功德人間冒封爵汝本貪婪鬼曾被神荼搏幸不膏
斧斤全身遠度朔竄逐江湖外匿跡在溝壑而乃與人
伍為害甚鯨鱷汝鬼已梟張汝雌尤穢濁醫書謂久瘧有
母宜併去之姪

褻巧依人表裏工揚擢上帝赫然怒六丁下捕捉雷霆
驅孽魂衝颺掃黃落亦有古神君鐵面絕請托疾邪如
仇讐丰稜淬霜鍔黜爵碎形軀猛虎壞羊羶不記湯中
丞吳中事猶昨先生言未已瘧鬼行躑躑手足互牽孿
形神慘索莫叩頭謝死罪逃遁向寥廓先生殊自笑人

乃與鬼謔參苓調元氣食嗣飲和脉絡端居養心神起
色朝已霍

詠史二首

牛李傾危構怨却全腰膂去咸秦昇平事業羞泉壤

問五倫

宦途每恨馮巧天下皆知盧為問南唐徐騎省

北歸何日到家山

閉門

閉門終日坐藜牀倚杖行吟偶下堂拂檻西風荷葉破
排簷秋雨瓦松長閒開雲笈搜丹訣悶對醫經閱古方

稍喜趨庭無俗客都忘言說省周防

喜晴

秋來常苦雨八月喜初晴爽入琴尊潔涼多竹樹清蠹
書分篋曬藤杖劃苔行燕子頻窺戶依依欲別情

贈相士吳生

君操相術游縉紳秦鏡在目劔在脣開口向人輒奇中
直言那顧愚兒嗔自言心相非皮相閱盡時流無好樣
為貧且復走風塵蓄眼猶能看將相鼠耳獐頭多達官
誰從面目問腸肝世人喜諛不喜直多少肉眼工欺謾
病起遣興因寄質菴

病餘經月不衣冠宴起科頭愧便安瘡鬼何知因逐去
單方有效悔醫瞞尊思三泖湖邊繪月想千人石上看
一棹木蘭秋色晚幾回清夢繞江干

東籬閒步

繞籬黃葉蔭蒼苔倚杖行吟病起纔千葉紅蓮傲秋晚
一枝特爲老夫開

和友人見懷韻二首

臥疴久與故人疎每向空齋詠索居七返鍊形思大藥
一編遣睡仗殘書行吟我正悲秋氣抱膝君方坐草廬
且幸子輿身好在兩章佳興特懷余

秋聲聒耳睡尤難八月添衣怕早寒詩筆有神逃鬼瘡
醫方多忌問盤餐閒身作健師陶侃勝友追歡憶謝安
閉戶北山秋色裏紫薇花落桂應丹

訓質菴

遠遊賦罷不成行山水緣慳未疾縈綠瑁湖邊楓葉冷
白田溪上稻花晴書傳塞雁橫秋影夢斷吳歛和榜聲
病起扁舟乘逸興饕餮止算爲鱸羹

荷花一枝久而不謝再作二首

一花十日未凋零氣改炎涼見典型黃菊宜霜松耐冷
此葩風骨亦亭亭

炎歊歷盡耐清寒白露漙漙色未殘莫訝先生戀吟賞
明年六月始重看

和王東臯重題泥小像韻

舊說蒙莊患有身陶公多事論形神相看莫認我非我
題句聊爲人贈人瓦馬泥嬰兒戲在鳶肩火色壯懷伸
新妝舊婦休相誚會有紗籠拂面塵

西田感興眎蕭菴

潦淨霜清杭稻收獨留餘地荷陽侯

六月大雨水淮河異漲
使者決蔣壩使東泄寶應

高郵一帶皆
付波臣矣

汀洲挂網魚蝦晚烟草連天雁鷺秋此日湖

陂沉白馬異時隄阪鑄金牛嘗新自晒耕耘嬾辛苦盤

餐愧未酬

九日舟次

西風鴻雁候暖日菊花天菱芡荒村節烟波獨客船市
遙仍得酒蟹大不論錢坐憶題糕伴維舟問渚田

舟夜讀潘道遥自桐廬歸錢塘句戲倣之

病軀擁孤艇暫出輒思歸晚風動烟水斜月生寒輝夜
靜客初去獨吟詩趣微賓鴻不無爲嘹唳自高飛

東村晚歸

黃葉點溪平東田薄暮行林烟縈樹白湖日落船明拾
穗人相問提壺酒亦清猶嫌風未古時有吠厖迎

村夜

一夜高灘瀉急流夢魂驚斷楚天秋
敗荷池畔人身柳舞徧東風曉未休

舟行感興二首

十船簫管載歌姬越錦吳綾
帝畿朱邸莫教耽佚

樂籌邊 聖主正宵衣

北風吹面客衣單塞外長驅定早寒
多少空閨征婦思玉關風雪夢雕鞍

寄懷弘濟掌垣二首

左掖領鵷班歸雲戀故山
君恩容謝病吾道卜長閒

危行思明哲昌言凜辨姦故人千里夢
十載鬢毛斑扁舟吳越路曾望海門潮
欲訪成連去其如水國遙閒心看斗柄生
計問漁樵笠屐雲山與伊人定可招

雨夜留客縱飲二首

溟濛細雨濕空階寒夜偏饒暖意回
籬菊未衰香漸老盆梅滋長蕊初胎
談深跋燭移更漏面熱添紅送酒杯
家釀取供文字飲差堪歲晚日追陪

歲儉家貧百感侵眼中
事怕追尋星芒大角三秋壯
雨夜轟雷十月陰垂老
略須諳酒德當杯那敢問天心
忘形笑語無苛禮百罰觥籌未厭深

夢作小遊仙詩醒而足之二首

洞門流水小桃源花引漁郎竹隱天夜半空庭作雲雨
燈昏酒醒賦遊仙

雲掩交疏霧掩紗瑤池琳館闌風家人間小別三千歲
夢倚天桃一樹花

雨夜有懷

雲宿寒空晚不行風吹凍雨夜初成即看花樹冥濛色
轉厭階除點滴聲把酒拈詩燈易燼投牀支枕夢多驚
愁心最怕高樓笛一夕懷人白髮生

冬日漫興倣劔南體

一聲敲碎葉聲乾過雨天晴小雪寒帶蕊冬花移就暖
撥醅卯酒略留酸窗蠅動股癡成蟄簷雀爭巢鬧作團
留客菜羹同一飽驚心節物又將闌

儀封中丞入京

茹檠清操最絕倫埋輪舊事怨難論豐碑十郡看垂淚
太學千人競舉幡挫辱未伸宵小志保全終仗 聖明
恩書生不向田間老却犯嚴寒走薊門

再作二首

嘖嘖羣兒苦謗傷舊因丰裁恨張綱豈知蝸角爭蠻觸
同作戈矛赴敵場

危行從知與禍鄰月華羈縲亦防身
鉏麈聶政皆人傑肯爲奸邪殺正人

讀史一首

羅織初成吉網新江東公論更誰伸
停舟父老休相譟已作雞鳴夜度人

讞獄陳情事總虛功名末路古難居
此行共笑山公啟祇挾司空城旦書

詠史二首

塞上寒生捲甲歸將軍空自駐金微
黃羊味美無人喫留與番兒雪打圍

雪磧凝寒塞草枯因糧於敵是良圖
轉輸不到流沙外解建金城碩畫無

黃正男以一門孝行乞言婦女刳股者十有七人
且謂遠紹漢孝子黃香世裔漫有此贈

遙遙華胄世無雙遠將孝行追黃香
一門刳股士六七背人洗手調羹湯
名媛淑女真醫王神農百藥皆虛嘗
絕裾分羹亦人子乃以巾幗維綱常
刀瘢狼籍臂上創回生譜入千金方

鹿野老人無疾而卒作絕句二首偈一篇如浮屠
家言詩以挽之

鹿野先生年八十健於野鹿頑無疾濁酒一杯棋一枰
嘯傲適志忘其生忽然揮手示禪寂作偈非儒亦非釋
衣帶空留悔過吟誰將滿月證禪心去來生死都無着
底是人間不壞身

鹿野詩云認得去來真死生無着處又
云七十九年不壞身今當回首絕塵心

神羊行

執法一星森吐芒臺烏繞樹號風霜喧豗赤棒闕奴僕
負乘當道橫豺狼御史錚錚鐵石腸彈文夜讀排天閭
天子赫怒驅魍魎一朝頓整西府綱壯哉御史真項
強堯階一角歌神羊

千夫行

北風怒號河水凍大舸北來山岳重千夫作力挽不前
日暮天寒聲一闕健兒鞭撻劇猪豚不許居人夜閉門
可憐束縛就犴獄池魚林木同遭焚黃頭掬指裹創痕
夜半爭傳相嗔謝公且挫圍棋劫丙何須問殺人

古意

淫女詭貞操巧宦竊廉名代北有老婦自詫冰玉清閑
身峻禮法白首仍硜硜以此得夫憐愛寵日夕增開口
笑諸姬背人私合姘醜行埒河間穢惡無足稱閨中有
嬌女花貌爭娉婷生小奉母訓內則嫻遺經畏人藏簾
帷舉步鳴珩璜每嗤秋胡妻見郎緣採桑阿母謹護持

窮袴加周防願得古梁鴻配我真孟光五陵一豪客富
貴不可當拜爵冠通侯赫赫幽并鄉好色如登徒慕此
姬與姜自言比嫪毒力關桐輪行女忽不自持含羞與
目成蒸姪事苟合妙技窮摩登遙遙十餘年誦讟殊繁
與母力傾千人叱吒誰能爭冰山忽消洋蜚語日喧騰
貫盈難久居天怒干雷霆當其遣嫁初母氏饒虛聲閑
身峻禮法白首仍硜硜開口笑諸姬背人私合姘諸姬
皆仰視金鐵何瑱瑱一從敗壞餘惡名喪平生可憐千
金璧瓦礫同見輕君子慎衾影內省兢淵冰巧宦爾何
人妄希公孫弘

小至夜飲

小至迎長共不眠燈紅夜永坐如年酒杯送煖冰霜節
簫鼓催人嫁娶天客醉顏頰三爵後陽生春入五更前
遙知玉輦郊壇畔黍稷升香繞瑞烟是上躬祭南郊
釀蓮葉露成飲客偶疾不飲戲有此作

一杯秋露失金莖釀法真堪續酒經恰是百花成蜜候
酒人辛苦為誰醒

飲蓮葉露酒因懷南村二首

清露浥蓮葉供我釀酒方閒房閉麴孽風露滋鵝黃醞
成及良辰繞甕浮新香饒涎生渴吻一勺爭先嘗清和

澡肺腑玉液澄天漿芳馨兼滑辣屢酌空壺觴飲食念
所自懷君天一方歆此公瑾醇功德殊難忘
南酒苦下劣北味殊清真滄州性稍嚴德水頗近醇吾
鄉臘月黃笑比梨花春洵陽鄉中水味羨鄉中人
南村評酒云然
釀法肯相傳不數天厨珍紅蓮滑浩露觴詠同蕭晨釀
熟君不來辜負梅花新

雪夜話別

寒夜閒如夢空齋積霰沈坐驚時序晚醉感別離心香
勒梅魂寂紅翻芋火深子猷風雪棹歸興惜分衿

醉後

雪月交光天氣寒風簷聲戛碧琅玕分明一覺游仙夢
燈影沈沈酒力殘

寒夜縱飲得元真二字二首

爐紅促坐近春温頓遣寒威挫綠樽歲宴征人妨雨雪
坐客有懷歸者豐年瑞事喜黎元舉觴徑欲邀天醉留客真疑入
酒視長夜共耽文字飲玉梅花氣暗招魂

釀熟兵厨問葛巾連宵沈湎不嫌真虛堂積素凝寒雪
醉壓生紅泥酒人得句就燈書字大呼兒淪茗候湯新
老來白墮真吾友酩酊狂歌似有神

業子鳴岐寫我十年近作贈詩二首

業工柳氏書法

不羨山陰書換鶯柳家新樣壓元和狂吟得似香山未
副本空勞紙墨多

海內詩名且浪傳寸心得失口難宣十年頌酒吟花興
細字煩君又幾編

嘲醉客

玉樹臨風倚少年持杯欲傲飲中仙
慵騰坐笑山顏後一榻銀燈照醉眠

題李太史長江送別圖

太史癸巳
典楚試

麟鳳全教一網收楚城風雨送歸舟
天連雲夢三湘闊地轉荆揚萬里流
斗酒放歌澆赤壁羽衣吹笛坐江樓

燕山淮海三年別回首晴川憶舊遊

冬日遣興示弟

庭戶陰凝雪意殘宿醒初解罷朝餐
陽光避臘多時白天色無情一味寒
硯簇冰花黏秃管盤堆碩果皺黃團
三章怕和欒城句坐覺崢嶸歲事闌

詠史二首

西征轉餉頻廟筭屢嚴綸克敵思飛將
臨邊薄具臣英雄雖不作宇宙豈無人
未慣沙場苦書生且莫論
籌國尊伊旦平戎簡范韓祇教風卜式
那更任兒寬露布傳三捷封泥用一丸
甘泉舊烽火早晚報平安

讀史感興四首

太平久道用文儒頗牧臨戎盡不如三寸毛錐能辦賊
至今却讓李尚書

甲兵十萬貯胸中多少書生慣即戎往事共推于少保
使貪使詐亦成功

授鉞專征久暴師宵衣長慮戒輿尸開邊自古需名將
十萬橫行又一時

黑水燉煌四郡開葡萄天馬漢庭來三十六軍分道出
却教糧盡且空回

小除夕移海棠一樹植之資敬堂前次夕作詩二

首

絕豔幽芳帶雨移歲寒却賦海棠詩崇光睡醒燒燈夜
正是東風應令時

去年移柳亦茲時最愛柔條吐碧絲屈指春風紅濕候
清姿濯濯映繁枝

除夜對酒示客

節近嫌多累年增怕及春壺觴同醉夜冰雪未歸人兒
女終年思悲歡老境真重煩君祝我尺蠖肯求伸

